



JUDICIAL SYSTEM MONITORING PROGRAMME

PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Períodu: Agostu 2012
Edisaun: 16 Agostu 2012

Semináriu Nivel Distritál

“Tinán Rua Implementasaun Lei kontra Violénsia Doméstika: Progresu no Dezafiu”

JSMP sei hala’o semináriu distritál iha distrito diferente rua. Semináriu primeíriu sei halao iha Distrito Likisá iha 17 Agostu no segundu iha Distrito Ermera sei hala’o iha dia 24 Agostu 2012. Semanáriu ne’e ho títulu **“Tinán Rua Implementasaun Lei Kontra Violénsia Doméstika: Progresu no Dezafiu.**

Semináriu ne’e ho objetivu atu enkoraza envolvimentu públiku atraves husi autóridade lokál, competente sira inklui Igreja atu halo esforsu kolektivu no kontinua hodi redús kazu violénsia doméstika ne’ebé kontinua buras iha teritóriu laran tomak.

Ne’e idea no aprosimasuan ne’ebé hanoin atu involve elementu sosiedade hot-hotu atu partisipa iha prosesu hasae konsensia públiku kona-ba oinsa atu kombate violénsia doméstika iha distritu sira.

“Polisia, Autóridade Lokal, Igreja no ONG relevante sira seluk nu’udar parseiru estratejiku atu kombate violénsia doméstika iha sosiedade, tanba ne’e hametin relasaun institusinál ho parseriu sira ne’e nu’udar pasu importante teb-tebes”, dehan Diretór Ezekutivu JSMP, Luis de Oliveira Sampaio.

JSMP sei kontinua halo esforsu hotu ne’ebé posivel atu kontinua organiza semináriu iha distritu sira seluk. Esforsu hirak ne’e ho intensaun atu hasa’e komunidadade no lideransa komunitária sira nia koñesimentu kle’an liu tan kona-ba progresu no dezafiu sira ba implementasaun Lei Kontra Violénsia Doméstika.

Partisipante sira ne’ebé sei partisipa iha semináriu ne’e maiz ou menus hamutuk ema nain 150 ne’ebé kompostu husi Autóridade Lokál, Polisia, Igreja, ONG Lokál, Profesór, Estudante, no representante Mídia lokál iha distrito. Oradór sira ne’ebé JSMP identifika atu sai hanesna paneil ba iha semináriu ne’e mak Administradór Distritu, Komandante Polisia Distritu, Xefe Polisia VPU, Representante Igreja Katólíka, Organizasaun Feto inklui JSMP rasik.

Atu hetan informasaun kompleitu bele kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Telefone:3323883